

X iv X

Is enim & quodnam sit operæ pretium
judicare incorruptius, & si quæ perpe-
ram objiciantur refellere facilius pote-
rit. Quod cum ita sit præclare omni-
no mecum esse actum fatear, MARCHIO
SPECTATISSIME, oportet, cum Ficoronia-
narum harum Gemmarum patrocinium
susceperis. Tu enim, cum ingenuis, ac
liberalibus aliis artibus, tum antiquita-
tis huic scientiæ Te ita deditum ostendi-
sti, ut earum identidem specimen dare,
non prætermiseris, & qui hujusmodi eru-
ditione, ac doctrina præstant, iis nullo
umquam tempore interclusum ad Te esse
aditum velis, eosdemque quotidiana fere
consuetudine devinctos habeas. Nimirum
familiaæ dignitatem, opes, dominatus,
honores, cæteraque fortune bona, qui-
bus abundas, quam qui maxime, non eo
loco, ac numero habenda esse duxisti, ut
hæc